

PENYEBARAN HADIS PALSU MELALUI MEDIA SOSIAL: PUNCA DAN AKIBAT

Khadijah Binti Abdul Jamil¹
Alia Najihah Binti Abd Aziz²
Syed Najihuddin Bin Syed Hassan³

¹Fakulti Pengajian Quran dan Sunnah, Universiti Sains Islam (USIM), Malaysia (E-mail: thekhdjh02@raudah.usim.edu.my)

²Fakulti Pengajian Quran dan Sunnah, Universiti Sains Islam (USIM), Malaysia (E-mail: njhhaziz@raudah.usim.edu.my)

³Fakulti Pengajian Quran dan Sunnah, Universiti Sains Islam (USIM), Malaysia (E-mail: syednajihuddin@usim.edu.my)

ABSTRAK

Fenomena penyebaran hadis palsu melalui media sosial telah menjadi isu yang semakin meruncing dalam masyarakat moden. Hadis palsu merujuk kepada pernyataan atau cerita-cerita yang disebut sebagai hadis Nabi Muhammad SAW, tetapi sebenarnya tidak mempunyai asal-usul dalam sumber-sumber hadis yang sah seperti kitab-kitab hadis utama seperti Sahih al-Bukhari dan Sahih Muslim. Latar belakang kajian menjelaskan pengaruh media sosial dalam penyebaran hadis palsu dan ketidakbolehppercayaan terhadap sumber ajaran agama dalam Islam. Permasalahan kajian menjelaskan bagaimana dan mengapa hadis palsu tersebar melalui media sosial dan apakah akibatnya terhadap kepercayaan, pemahaman agama, dan integriti akidah dalam masyarakat Islam. Objektif kajian adalah untuk mengenal pasti punca utama penyebaran maklumat hadis palsu melalui media sosial, menilai akibat negatifnya terhadap kepercayaan masyarakat kepada ajaran agama Islam, serta menyelidik cara penyebaran hadis palsu melalui media sosial dapat mempengaruhi akidah dan praktik keagamaan masyarakat Muslim. Metodologi kajian menggunakan pendekatan analisis kualitatif dan kuantitatif dengan melibatkan platform-media sosial seperti WhatsApp, TikTok, Facebook, Twitter, dan Instagram. Dapatan (jangkaan) kajian diharapkan dapat mengenalpasti corak penyebaran dan jenis konten hadis palsu serta memberikan pandangan pengguna media sosial tentang kesedaran terhadap hadis palsu dan persepsi mereka terhadap kesan dan akibatnya. Kesimpulan kajian akan membincangkan implikasi praktikal dan cadangan untuk mengatasi masalah penyebaran hadis palsu melalui media sosial. Kajian ini penting untuk memahami fenomena ini dengan lebih mendalam dan memberikan pandangan yang berguna dalam mengatasi isu-isu yang berkaitan dengan media sosial dan agama Islam.

Kata Kunci: Hadis Palsu, Media Sosial, Integriti Akidah, Penyebaran Maklumat

Pendahuluan

Pemalsuan Hadis di Media Sosial atau disebut juga dengan “hoax hadis” merupakan isu yang memerlukan perhatian serius, baik dari sudut umum mahupun Islam. Fenomena ini merujuk kepada perbuatan memalsukan atau menyebarkan hadis palsu melalui platform media sosial

yang boleh memudaratkan masyarakat dengan menimbulkan kekeliruan, ketidaktentuan malah merosakkan ajaran agama.

Dalam konteks umum, media sosial memainkan peranan penting dalam menyebarkan maklumat secara meluas dan cepat. Walau bagaimanapun, kepantasan ini juga boleh disalahgunakan untuk menyebarkan kandungan yang tidak betul atau palsu. Pemalsuan hadis di media sosial umumnya disebabkan oleh kekurangan kawalan dan pengesahan maklumat, motivasi politik, keinginan untuk mendapatkan perhatian, malah perbuatan jahat untuk memecahbelahkan masyarakat.

Dari perspektif Islam, hadis mempunyai peranan yang sangat penting sebagai sumber ajaran agama setelah al-Quran. Pemalsuan hadis boleh merosakkan keutuhan ajaran Islam dan menyebabkan umat Islam mengalami kekeliruan dalam memahami hukum agama. Rasulullah SAW memberi amaran tentang bahaya penyebaran maklumat palsu termasuk hadis palsu dan menekankan kepentingan kebenaran dalam menyampaikan mesej agama.

Firman Allah SWT dalam Al-Quran:

وَلَا تَلْبِسُوا الْحَقَّ بِالْبَاطِلِ وَتَكْتُمُوا الْحَقَّ وَأَنْتُمْ تَعْلَمُونَ

"Dan janganlah kamu mencampur-adukkan yang hak dengan yang batil, dan janganlah kamu sembunyikan yang hak itu, sedangkan kamu mengetahuinya." (Al-Baqarah: 42)

Pendekatan holistik diperlukan untuk mengatasi hadis palsu di media sosial. Celik digital, pendidikan agama yang kukuh, dan penekanan terhadap nilai kebenaran dan keadilan adalah langkah penting. Masyarakat, institusi agama dan kerajaan juga perlu bekerjasama membina mekanisme pemantauan dan tindakan yang boleh mencegah penyebaran maklumat palsu.

Oleh kerana itu, dalam kajian ini akan dibahas mengenai penyebaran hadis palsu melalui media sosial, faktor penyebaran serta akibat yang dihadapi daripada penyebaran palsu tersebut. Dengan kesedaran yang lebih baik tentang bahaya pemalsuan hadis di media sosial, diharapkan masyarakat dapat menyumbang dalam mewujudkan persekitaran digital yang lebih tepat, selamat dan selaras dengan nilai agama.

Permasalahan Kajian

Terdapat ratusan hadis palsu yang beredar tanpa had dalam kalangan masyarakat Malaysia khususnya dalam bentuk mesej berantai dan disebarkan secara meluas melalui platform pesanan digital seperti WhatsApp, Twitter, Facebook, dan laman sosial lain ketika ini. Fenomena penyebaran ini berlaku secara bebas, dan timbul keraguan kerana hadis yang disebarkan itu mungkin ada kaitan dengan akidah dan ibadah, malah boleh jadi amalan yang diwariskan kepada generasi seterusnya. Amalan berdasarkan hadis palsu ini telah menimbulkan perbezaan pemikiran dalam kalangan masyarakat.

Kajian terdahulu menunjukkan faktor utama penyebaran hadis palsu adalah melalui media sosial, serta melalui banyak pertemuan ilmiah, baik secara formal mahupun tidak formal. Selain itu, penulisan agama yang hanya tertumpu kepada penterjemahan hadis tanpa menyaringnya dan tanpa mempedulikan status kesahihan hadis turut menyumbang kepada masalah ini. Sesuai dengan ayat yang mengingatkan kita tentang tanggungjawab dalam menyebarkan maklumat dalam Surah An-Nahl: 94 yang membawa maksud:

"Dan janganlah kamu jadikan sumpah-sumpahmu sebagai alat penipu di antaramu, yang menyebabkan kaki(mu) tergelincir setelah tegaknya (kukuh), dan kamu akan merasakan keburukan (di dunia) karena kamu menghalangi (manusia) dari jalan Allah, dan kamu akan mendapat azab yang besar." (Q.S. An-Nahl [16:94])

Kesahihan hadis adalah penting kerana setiap kandungan hadis menjadi pedoman amalan harian sepanjang hayat seseorang. Kesedaran tentang kesahihan hadis adalah amat penting bagi memastikan ajaran dan nilai yang diamalkan menepati ajaran agama yang sebenar, memberi panduan yang sewajarnya dalam kehidupan seharian, dan memastikan amalan agama menepati nilai dan ajaran yang sebenar. Kajian ini akan memfokuskan kepada tahap kesedaran dan pengetahuan beberapa orang awam berhubung penyebaran hadis palsu di Malaysia. Bagi menyokong kajian ini, satu tinjauan akan dijalankan melalui soal selidik yang akan diberikan kepada orang awam melalui pautan *google form*. Matlamat kajian ini adalah untuk memberi kefahaman yang lebih mendalam tentang bagaimana penyebaran hadis palsu mempengaruhi pemahaman dan amalan agama dalam kalangan masyarakat.

Persoalan Kajian

1. Apakah faktor yang secara khusus mendorong individu atau kumpulan menyebarkan hadis palsu melalui media sosial?
2. Bagaimanakah penyebaran hadis palsu melalui media sosial dapat mendatangkan kesan yang buruk kepada penjejasan pegangan agama orang ramai dan potensi konflik antara kumpulan atau masyarakat?
3. Apakah penyelesaian praktikal dan asas yang boleh dicadangkan untuk mengatasi masalah penyebaran hadis palsu melalui media sosial, berdasarkan dapatan kajian?

Dengan mengupas persoalan-persoalan tersebut, kajian ini diharapkan dapat memberikan gambaran yang lebih baik tentang kerumitan masalah penyebaran hadis palsu dan menjadi asas untuk membina penyelesaian yang lebih berkesan.

Objektif Kajian

1. Menganalisa Punca Penyebaran Hadis Palsu.

Meneliti faktor-faktor yang menyebabkan penyebaran hadis palsu melalui media sosial, termasuk motivasi individu atau kumpulan, teknologi, dan kebolehcapaian.

2. Mengenalpasti Kesan Sosial dan Keagamaan.

Menilai kesan penyebaran hadis palsu terhadap masyarakat, termasuk pengaruh terhadap pegangan agama dan potensi konflik antara kumpulan atau masyarakat.

3. Memberikan Penyelesaian dan Rekomendasi.

Mengemukakan penyelesaian praktikal dan cadangan dasar untuk mengatasi masalah penyebaran hadis palsu melalui media sosial, berdasarkan dapatan kajian.

Dengan matlamat ini, dapat memberi sumbangan yang besar dalam memahami masalah penyebaran hadis palsu melalui media sosial, serta memberi asas kepada usaha pencegahan dan tindak balas yang lebih berkesan dalam kajian ini.

Metodologi Kajian

Metodologi kajian berkenaan penyebaran hadis palsu memerlukan pendekatan yang sistematik dan teliti untuk memahami dan mengatasi fenomena ini. Kajian ini menggunakan pendekatan analisis kualitatif dan kuantitatif. Pendekatan ini membolehkan pemahaman yang holistik dan mendalam tentang corak penyebaran hadis palsu. Berikut adalah beberapa langkah yang boleh diambil dalam metodologi kajian:

1. Menentukan Objektif Kajian:

Menyiasat secara terperinci objektif utama kajian dan objektif yang ingin dicapai, seperti menganalisis punca penyebaran hadis palsu, mengenal pasti tanggapan sosial dan agama, dan memberikan penyelesaian dan cadangan.

2. Ulasan Literatur:

Mengkaji kajian lepas berkaitan penyebaran hadis palsu, media sosial, dan tanggapan sosial dan agama. Ini membantu dalam membentuk asas teori kajian.

3. Kaedah Kajian:

a. Kajian Kuantitatif:

- Menjalankan semakan melalui soal selidik menggunakan platform Google Form untuk mengumpul data daripada responden secara meluas.
- Menggunakan statistik untuk menganalisis dan mentafsir data.

b. Kajian Kualitatif

4. Penyediaan soalan kajian:

Membangunkan persoalan kajian berkaitan faktor penyebaran hadis palsu, kesan kepada orang ramai, dan cadangan penyelesaian. Soalan siasatan perlu menyediakan data yang relevan dengan objektif kajian.

5. Pengumpulan Data:

- Mengumpul data melalui soalan kajian dan kaji selidik daripada kajian sebelumnya.
 - Memastikan data yang diperolehi meliputi pelbagai perspektif dan peringkat masyarakat.
6. Analisis Data:
- Menggunakan kaedah analisis statistik untuk menganalisis data kuantitatif.
 - Menjalankan analisis kandungan data kualitatif, mengenal pasti corak dan trend.

Metodologi ini dibuat untuk memberikan pemahaman yang holistik dan mendalam tentang penyebaran hadis palsu melalui media sosial di Malaysia serta menyediakan langkah praktikal untuk menangani masalah tersebut.

Kajian Literatur

Artikel yang bertajuk “Strategi Efektif Dalam Mencegah Penyebaran Hadis Palsu di Media Sosial” menyatakan penyebaran hadis palsu di media sosial adalah isu serius pada zaman digital sekarang. Banyak informasi palsu tersebar dengan cepat, terutama karena sifat viral media sosial. Orang-orang yang menyebarkan hadis palsu memiliki berbagai tujuan, seperti mempengaruhi opini publik atau menciptakan perpecahan dalam masyarakat. Mereka sering mengubah kata-kata dalam hadis atau bahkan membuat hadis palsu sepenuhnya. Dampaknya dapat membuat orang bingung tentang ajaran agama, menyebabkan pertentangan di antara umat Muslim, dan mempengaruhi hubungan antara umat beragama. Solusinya melibatkan pendidikan untuk memahami sumber informasi, peranan aktif masyarakat beragama, teknologi untuk verifikasi, kolaborasi dengan masyarakat beragama dan platform media sosial, dan penegakan hukum terhadap pelaku penyebaran hadis palsu (Muhammad Ghifari, 2023).

Seterusnya, artikel “Penyebaran Hadith Palsu Dalam Media Massa Dan Media Sosial: Realiti Dan Cabaran” ini mengupas penyebaran hadis palsu di Malaysia melalui media sosial. Penyebaran hadis palsu di Malaysia melalui media sosial menjadi isu serius. Masyarakat yang terlalu cepat berkongsi hadis tanpa verifikasi, kepercayaan buta pada beberapa kitab tertentu, dan kurangnya pengetahuan tentang ilmu hadis turut menyumbang kepada masalah ini. Keghairahan dalam menyebarkan kebaikan tanpa penelitian, sikap ambil mudah penceramah agama, dan minimunnya terjemahan kitab hadis juga menjadi faktor. Solusi yang dicadangkan termasuk pembentukan lembaga penapisan hadis, panduan nukilan hadis, tindakan terhadap penyebar hadis palsu, peningkatan pengajian hadis, kajian takhrij dan tahqiq kitab-kitab jawi, serta pemeriksaan status hadis sebelum disebarluaskan (Dr Faisal Ahmad Shah, 2016).

Tambahan lagi, naskah yang bertajuk “Aplikasi Tabayyun Dalam Penerimaan Hadith Dan Faedahnya Dalam Mengatasi Penyebaran Hadith Palsu” membahaskan tentang perkembangan teknologi berdampak pada penyebaran hadis, terutama di Malaysia yang menghadapi masalah penyebaran hadis palsu karena kurangnya penekanan pada Ilmu Hadis. Ulama’ Tanah Melayu pada kurun ke-17 hingga ke-19 lebih menfokuskan pada bidang aqidah, fikh, dan tasawuf, menyebabkan hadis palsu tidak diakui sebagai rujukan. Kaedah Tabayyun, yang melibatkan pemeriksaan teliti terhadap kesahihan hadis sebelum disampaikan, menjadi pendekatan penting. Kaedah ini memastikan ketulenan hadis, mendorong praktik ulama’ salaf,

dan membentuk masyarakat yang berhati-hati terhadap hadis, terutama di media sosial. Selain itu, kewaspadaan ini melindungi ajaran Islam dari pemalsuan dan pencemaran. Dengan memahami dan mengamalkan kaedah Tabayyun, diharapkan masyarakat dapat menjaga keaslian ajaran Islam di era digital saat ini (Siti Nordiana binti Katek, Nur Athirah binti Hasmain, Nurul Izzati binti Zahari, Syed Najihuddin bin Syed Hassan, 2023).

Di samping itu, penulisan seterusnya berkaitan dengan tajuk “Pemahaman Hadith Dalam Kalangan Masyarakat Di Malaysia: Kajian Dalam Media Sosial Di Malaysia” daripada Amran Abdul Halim, Abdulloh Salaeh, Walid Mohd Said, Syed Najihuddin Syed Hassan, Nidzamuddin Zakaria, Mohd Fauzi Mohd Amin, Amiruddin Mohd Sobali. Artikel ini menfokuskan pada penyebab dan akibat penyebaran hadis palsu melalui media sosial merupakan fenomena yang semakin meruncing dalam konteks kemajuan teknologi di Malaysia. Penggunaan media sosial sebagai medium utama menyebarkan maklumat telah membuka pintu kepada penyebaran hadis palsu, mempengaruhi pemahaman masyarakat terhadap ajaran Islam. Pertumbuhan teknologi, ketiadaan penilaian yang teliti, dan kurangnya pemahaman terhadap konteks hadis turut menyumbang kepada fenomena ini. Dengan kesedaran akan bahayanya, diharapkan masyarakat dapat lebih berhati-hati dan merujuk kepada sumber-sumber yang sahih dalam menilai kebenaran hadis sebelum menyebarkannya melalui media sosial (Amran Abdul Halim, Abdulloh Salaeh, Walid Mohd Said, Syed Najihuddin Syed Hassan, Nidzamuddin Zakaria, Mohd Fauzi Mohd Amin, Amiruddin Mohd Sobali, 2020).

Dalam pada itu, penulisan yang seterusnya adalah mengenai tajuk “Hadis Palsu, Pemalsuan Dan Pencegahannya Di Era Digital”. Artikel ini menyelidiki penyebaran hadis palsu melalui media sosial dan fokus pada punca serta akibatnya. Abstrak memberikan gambaran umum tentang hadis palsu yang sering kali disandarkan kepada Rasulullah tanpa dasar yang kuat. Penelitian ini bertujuan memberikan wawasan mengenai pemalsuan hadis, cara membedakan antara hadis shahih dan palsu, serta mencegah pemalsuan hadis di era modern. Artikel mempamerkan pentingnya hadis sebagai sumber ajaran kedua bagi umat Islam setelah Al-Quran dan mencatat bahwa pemalsuan semakin mudah terjadi dalam era teknologi canggih. Pembahasan mencakup definisi hadis palsu, kriteria keshahihan hadis, jenis pemalsuan, dan latar belakangnya, termasuk kontribusi dari tokoh terkenal seperti Abdul Karim bin Abu Al-Auja. Artikel menyimpulkan dengan mengakui peranan teknologi dalam penyebaran hadis palsu dan mengajukan pertanyaan mengenai upaya yang dapat diambil untuk mengatasi masalah ini di era digital (Ahmad Farih Dzakiy, Anisa Dwi Ustadiyah, Muhammad Luqman Hakim, 2022).

Seterusnya, artikel yang berjudul “Pembukuan dan Pendigitalan Hadith: Isu dan Cabaran” oleh Aisyah Binti Abdul Satar, Nur Najihah Binti Mohd Isa, Ainnur Annisa Binti Mohd Khairul Anwar, Maisarah Binti Saidin. Artikel ini mengkaji penyebaran hadis palsu melalui media sosial, dapat dilihat bahawa kemajuan teknologi, terutamanya melalui aplikasi seperti Maktabah Syamilah, telah memberikan kemudahan kepada masyarakat dalam mengakses dan menyebarkan hadis Nabi SAW. Walaupun terdapat usaha positif seperti memudahkan pengenalan kesahihan hadis melalui sumber digital seperti Maktabah Syamilah, namun penggunaan media sosial juga memunculkan isu-isu baru seperti penyebaran hadis palsu. Kajian ini menggariskan pentingnya pendigitalan hadis sebagai medium transformasi

pendidikan Islam, tetapi menekankan perlunya kewaspadaan dalam menghadapi risiko penyebaran hadis palsu. Oleh itu, langkah berhati-hati dalam memastikan kesahihan dan kualiti hadis perlu ditekankan bagi memastikan penyebaran ilmu yang berkualiti dan berkesan dalam era digital ini (Aisyah Binti Abdul Satar, Nur Najihah Binti Mohd Isa, Ainnur Annisa Binti Mohd Khairul Anwar, Maisarah Binti Saidin, 2023).

Setelah itu, penulisan yang berjudul “Perkembangan Dan Kesahihan Hadis Dari Awal Islam Hingga Zaman Post Truth” daripada Teuku Amnar Saputra, Muhammad Alfatih Suryadilaga. Penulisan ini menceritakan tentang era Post Truth mengubah penentuan kebenaran menjadi relatif dari sudut pandang pribadi, bukan berdasarkan fakta ilmiah. Penyebaran informasi bebas menjejaskan kualiti dan jumlah maklumat, terutama dalam konteks hadis Islam. Sejarah hadis mencakup orientasi Syiah, Ahlusunnah Wal Jamaah, dan Khawarij. Penelitian ini menjelajahi sejarah hadis dari Rasulullah hingga Post Truth, menekankan bahwa penyebarannya dimulai pada awal Islam dan pengkodifikasian rasmi oleh Khalifah Umar bin Abdul Aziz. Di era global dan digital, kebenaran hadis masih dipengaruhi oleh kepentingan politik dan komersial, terutama di media sosial. Penggunaan hadis oleh pemangku kepentingan menyoroti pengaruh politik dan komersial, membahas evolusi penggunaan hadis dari awal hingga era modern, di mana kebenaran hadis sering dipertanyakan, terutama dalam konteks Post Truth (Teuku Amnar Saputra, Muhammad Alfatih Suryadilaga, 2020).

Ditambah lagi, makalah yang bertajuk “Refleksi Isu-Isu Keagamaan Dalam Media Sosial: Analisis Punca Dan Kesan Menurut Perspektif Al-Attas” daripada Muhamad Naim bin Hassan membahaskan tentang isu penyebaran hadis palsu melalui media sosial, khususnya di Malaysia, menunjukkan ketidaksempurnaan pemikiran masyarakat terutamanya dalam konteks keagamaan. Keadaan ini mengakibatkan keruntuhan adab yang menjadi punca kepada pelbagai perbincangan dan polemik di media sosial. Kajian-kajian terdahulu menekankan pentingnya pendidikan sebagai pemangkin perubahan dalam menangani isu-isu ini. Pemikiran al-Attas, seorang cendekiawan Islam, menjadi rujukan utama dalam merungkai punca-punca tersembunyi di sebalik kekeliruan pemikiran masyarakat dan mencadangkan konsep ta'dib sebagai titik tolak untuk memperbaiki keadaan. Dalam konteks ini, literatur review mendalam terhadap pandangan al-Attas dan kajian-kajian sebelumnya dapat memberikan wawasan yang mendalam mengenai bagaimana pendidikan dapat membentuk pemikiran masyarakat dan mengatasi permasalahan keruntuhan adab yang dihadapi dalam era media sosial ini (Muhamad Naim Bin Hassan, 2019).

Tak hanya itu, karangan yang bertajuk “Penggunaan Media Sosial Baharu: Isu-Isu dan Panduan Perspektif Islam” mengulas tentang penyebaran hadis palsu melalui media sosial merupakan isu serius yang menimbulkan kesan negatif dalam masyarakat Islam. Punca utama penyebaran ini termasuk perkembangan teknologi yang membolehkan maklumat tersebar dengan cepat, kekurangan literasi digital dalam menilai keabsahan hadis, dan niat jahat individu atau kumpulan tertentu. Akibatnya, masyarakat mungkin mempraktikkan ajaran yang tidak sahih, mengancam pemahaman yang tepat terhadap Islam, dan menyebabkan kekeliruan dalam amalan keagamaan. Oleh itu, literatur dan kajian keilmuan yang membahas isu ini penting untuk memahami punca dan akibat penyebaran hadis palsu melalui media sosial, serta merumuskan langkah-langkah pencegahan dan kesedaran dalam kalangan masyarakat Islam

(Syed Mohammad Hilmi Syed Abdul Rahman, Mohd Anuar Ramli, Che Zarrina Sa'ari, Azah Anir Norman, Mohd Anuar Mamat, Muhammad Hazim Mohd Azhar, 2022).

Di samping itu, penulisan yang bertajuk “Mempertingkatkan Penyampaian Al-Quran dan Hadis mengikut Perkembangan Teknologi Era Globalisasi” merincikan tentang penggunaan teknologi tinggi telah mempengaruhi kehidupan dan pendidikan umat Islam dalam era globalisasi. Cabaran utama adalah penyebaran hadis palsu melalui media sosial, yang mengancam keberkesanan dakwah dan pemahaman terhadap Al-Quran dan hadis. Untuk menangani ini, penting memperkuat pengaplikasian teknologi dalam pengajaran hadis dan Al-Quran. Meskipun umat Islam cenderung menggunakan media sosial, harus ditekankan penggunaan teknologi secara bijak untuk menghindari penyebaran informasi yang tidak sah. Penguasaan teknologi ICT menjadi kritikal, dengan penekanan pada keberkesanan dakwah dan pengajaran hadis serta kesedaran terhadap sumber ilmu yang sah. Maka, pengembangan teknologi perlu berfokus pada keberkesanan, etika, dan penanganan cabaran zaman (Muhammad Syamim Bin Mohd Risti, Saidussyazwi Bin Abd Wahap, Muhammad Dinniah Bin Misni, Maisarah Saidin, 2023).

Selanjutnya, makalah yang bertajuk “Pendigitalan Hadis Dalam Kerangka Revolusi Industri 4.0” oleh Mohd Syukri, M. N., Norazmi, A., Shahril Nizam, Z., Ahmad Sanusi, A., Syed Najihuddin, S. H. Makalah dimulai dengan mengeksplorasi peranan Aplikasi Hadis Digital (AHD) dan dampak revolusi industri 4.0 dalam memfasilitasi penyebaran hadis, baik yang sah mahupun palsu. Sementara itu, tantangan dalam menilai kesahihan hadis di era digital dan konsekuensi penyebaran hadis palsu terhadap masyarakat Islam juga diulas secara mendalam. Literasi digital muncul sebagai elemen kunci dalam menanggapi fenomena ini, dengan menyoroti pentingnya pendidikan dan kesedaran digital untuk melawan penyebaran hadis palsu serta meningkatkan pemahaman umat Islam terhadap keabsahan hadis di era informasi digital (Mohd Syukri, M. N., Norazmi, A., Shahril Nizam, Z., Ahmad Sanusi, A., Syed Najihuddin, S. H., 2018).

Selain itu, naskah yang bertajuk “Kaedah Mengenal Pasti Status Hadis Dan Kesannya Dalam Penyampaian Mesej Dakwah” mendiskusikan tentang penyebaran hadis palsu melalui media sosial kian meningkat dan memberi perhatian. Tambahan lagi, beberapa penelitian menunjukkan bahawa perlu adanya kajian yang lebih berhati-hati tentang sumber hadis serta pemahaman prinsip-prinsip yang telah ditetapkan oleh al-Bukhari dan Muslim. Masalahnya muncul ketika prinsip-prinsip ini tidak difahami dengan baik di era media sosial, sehingga menyebabkan penyebaran hadis palsu. Selain itu, ada juga isu penyebaran hadis palsu dalam usaha dakwah yang tidak bertanggungjawab, menekankan perlunya pendidikan mendalam sebelum menyebarkan informasi agama di platform seperti Facebook atau Twitter. Keamanan siber juga menjadi perhatian, kerana hadis dapat diubah, mengakibatkan informasi yang keliru. Akibat dari penyebaran hadis palsu mencakup dampak pada masyarakat dan citra Islam. Oleh karena itu, literatur menyoroti perlunya tanggung jawab dalam menyebarkan informasi keagamaan melalui media sosial dan pentingnya pendidikan serta langkah-langkah untuk mengurangi risiko penyebaran hadis palsu (Ibtisam Ibrahim, Siti Fazidatul Zahariah Mat Saleh, Norhashimah Yahya, Berhanundin Abdullah, 2022).

Setelah itu, penulisan yang berjudul “Media Sosial dan Impak kepada Perkembangan Bahasa Menurut Islam” oleh Nik Muhammad Izzudin Nik Lah, Pulavendran Vijaya Kumaran, Kamarul Azmi Jasmi. Penulisan ini mengulas tentang membahas dampak media sosial terhadap perkembangan bahasa, dengan fokus pada penyebaran hadis palsu. Media sosial memainkan peran penting dalam perkembangan bahasa, baik positif maupun negatif. Dalam konteks positif, media sosial memfasilitasi penguasaan lebih dari satu bahasa, penggunaan bahasa pengantar yang berbeda, dan peningkatan kosa kata. Namun, terdapat dampak negatif seperti penggunaan bahasa rojak, yang dapat menghambat kekuatan bahasa. Pentingnya media sosial dalam dakwah Islam dan penyebaran nilai-nilai murni juga dibahas. Penulis menyoroti bahwa meskipun media sosial dapat menyebabkan penyebaran hadis palsu, ahli dalam bidang hadis dapat mencegahnya. Kesimpulannya, media sosial dapat memperkaya pemahaman agama dan bahasa, tetapi juga perlu diawasi agar tidak merugikan perkembangan bahasa dan penyebaran informasi yang keliru (Nik Muhammad Izzudin Nik Lah, Pulavendran Vijaya Kumaran, Kamarul Azmi Jasmi, 2018).

Di samping itu, makalah yang berjudul “Takhrij Hadis Secara Manual Tentang Larangan Isbal” oleh Muhamad Nur Insanudin. Penelitian makalah ini bertujuan untuk menyelidiki penyebaran hadis palsu melalui media sosial, fokus pada pencarian Sanad dan Rijal Hadis secara manual. Metode penelitian melibatkan langkah-langkah mencari potongan hadis, kata kunci unik di Mu’jam Mufahras, dan pohon sanad hadis. Pembahasan mencakup permasalahan potongan hadis dari media sosial, metode pencarian kata kunci, dan penemuan hadis lengkap dengan sanad. Selain itu, pembahasan melibatkan biografi perawi, pohon sanad, dan komentar ulama mengenai perawi hadis. Kitab Mu’jam Mufahras Li Alfadz Al-Hadits An-Nabawi juga digunakan sebagai sumber hadis (Muhamad Nur Insanudin, 2023).

Akhir sekali, naskah yang bertajuk “Hadis Palsu Di Media Sosial Persepsi Mahasiswa Fakultas Syariah UIN Bukittinggi” oleh Febri Yeni, Gonsales Gonsales. Naskah ini membicarakan tentang penyebaran hadis palsu melalui media sosial meningkat, terutama karena akses informasi tanpa batas. Mahasiswa Fakultas Syariah UIN Bukittinggi memiliki pemahaman cukup tentang konsep hadis palsu, meskipun masih perlu ditingkatkan. Sikap mereka mencakup mengesan kebenaran, hati-hati dalam menyebarkan informasi, dan memberikan penjelasan proaktif terhadap kepalsuan hadis. Fenomena ini tidak hanya mengancam integritas agama tetapi juga memperdalam perpecahan dalam masyarakat Islam. Oleh karena itu, pemahaman mendalam tentang punca dan akibat penyebaran hadis palsu melalui media sosial menjadi sangat relevan untuk mengatasi tantangan ini (Febri Yeni, Gonsales Gonsales, 2022).

Definisi Istilah

Hadis Palsu

Secara etimologi hadis palsu atau hadis *maudhu* merupakan bentuk isim *maf’ul* dari kata *wadha’a*, *yadha’u* dimana memiliki makna yang disusun, dusta, yang diada adakan dan yang diletakkan. Sedangkan secara terminologi hadis palsu atau hadis *maudhu* adalah segala sesuatu yang dinisbatkan kepada Rasulullah secara mengada dan dusta, yang tidak beliau sabdakan, tidak beliau kerjakan, dan tidak beliau taqrirkan (Fathur Rahman, 1995). Ada

beberapa pendapat para ahli mengenai pengertian hadis palsu atau hadis *maudhu*, diantaranya adalah sebagai berikut:

1. Naruddin Itr memberikan pengertian bahwa hadis *maudhu* atau hadis palsu adalah hadis yang diada adakan atau dibuat buat (Naruddin Itr, 1994).

2. Ibnu al Shaleh mendefinisikan bahwa hadis palsu atau hadis *maudhu* adalah hadis yang dibuat atau diciptakan dan didustakan atas nama Nabi Muhammad SAW (Abu Amr Usman bin Abdurrahman ibnu al-Shaleh, 1072).

3. Muhammad Ajjaj al-Khatib memberikan pengetahuan bahwa hadis palsu atau hadis *maudhu* adalah hadis yang dibuat buat dengan dusta dan disandarkan pada Rasulullah SAW akan tetapi Rasulullah SAW tidak menetapkan, melakukan ataupun mengucapkannya (Muhammad Ajjajal-Khatib, 1981).

Jadi yang dimaksud dengan hadis palsu atau hadis *maudhu* adalah hadis yang dengan sengaja dibuat atau diciptakan dengan disandarkan kepada Rasulullah SAW yang mana disisi lain Rasulullah SAW tidak pernah menetapkan, mengucapkan ataupun melakukan hal sebagaimana yang termuat dalam hadis itu.

Media Sosial

Media sosial atau istilah lainnya ialah rangkaian sosial secara umumnya dapatlah diperkenalkan sebagai interaksi bermakna dalam kalangan orang perseorangan yang membolehkan mereka memberikan komen, berkongsi, dan bertukar-tukar kandungan dalam rangkaian komuniti maya (Shahjahan & Chisty, 2014 dlm, Shahrul Nazmi Sannusi et al. 2019).


Dapatan Kajian

Dalam dapatan kajian yang dijalankan, bahagian ini membincangkan analisa data dan memaparkan hasil penemuan kajian yang telah dilakukan daripada soal selidik yang telah dijawab oleh responden. Data yang telah dimasukkan diproses bagi mendapatkan statistik seperti nilai peratusan.

Demografi Responden

Seramai 31 orang responden yang terdiri daripada orang awam untuk mengkaji persepsi dan pandangan masyarakat. Kajian lapangan ini bertujuan untuk melihat, meneliti serta mengkaji sejauh mana pengetahuan dan kesedaran seseorang mengenai kajian yang dijalankan ini. Walaubagaimanapun, jurang perbezaan yang diperolehi antara satu jawapan dan jawapan yang lain membuktikan pengetahuan dan kesedaran seseorang terhadap hadis palsu dan perkara yang berkaitan dengannya dalam kajian ini.


Terdapat beberapa soalan yang diajukan untuk kajian ini, antaranya:



Rajah 1: Ciri-Ciri Hadis Palsu

Dapatan hasil kajian menunjukkan daripada 31 responden, sebanyak 64.5% memandang ciri-ciri sebuah hadis palsu itu sebagai palsu. Responden yang memilih jawapan “*palsu*” mungkin melihat adanya ciri-ciri yang secara nyata menandakan kekeliruan atau ketidakakuratan dalam hadis tersebut. Ini mungkin termasuk ketidaksesuaian dengan prinsip-prinsip Islam yang telah diterima. Seterusnya, 19.4% beranggapan hadis palsu adalah yang “*bermasalah*”. Hal ini mungkin menyedari adanya kecacatan atau ketidakjelasan dalam hadis tersebut. Ini mungkin termasuk pertentangan dengan sumber-sumber Islam yang lebih sahih. Manakala berbaki 16.1% memilih ianya sebagai sesuatu yang “*tidak dapat dipastikan*”, mungkin mengakui adanya ketidakjelasan atau kekurangan informasi yang membatasi penilaian kesahihan hadis.

Tafsiran individu terhadap ciri-ciri hadis palsu mungkin berbeza-beza, dan hasil penilaian mungkin dipengaruhi oleh perspektif dan pemahaman setiap responden. Oleh itu, perbincangan dan kajian lanjut dengan pakar hadis atau ulama’ Islam dapat membantu mendapatkan pemahaman yang lebih mendalam tentang masalah ini.




Rajah 2: Punca Penyebaran Hadis Palsu

Penggunaan media sosial (38.7%) menjadi faktor yang ditekankan oleh responden sebagai punca penyebaran hadis palsu, disertai penjelasan berhubung kepantasan maklumat tersebar tanpa pengesahan. Selain itu, sebanyak 35.5% kepada salah tafsir. Ini dikenal pasti sebagai faktor lain, menonjolkan tafsiran yang salah atau tidak sesuai terhadap ajaran Islam. Manakala, kepercayaan masyarakat (19.4%) juga diiktiraf sebagai penyumbang, dengan penekanan pada kecenderungan untuk mempercayai maklumat tanpa pengesahan kritikal.


Oleh itu, faktor-faktor ini seperti kemudahan penyebaran melalui media sosial, salah tafsir, dan kepercayaan orang ramai yang buta, boleh mencetuskan penyebaran hadis palsu. Kesedaran tentang kepentingan pengesahan maklumat dan pemahaman yang mendalam

tentang ajaran agama dianggap kunci untuk mengatasi masalah ini, dengan perbincangan lanjut dengan pakar hadis atau ulama Islam sebagai langkah selanjutnya.



Rajah 3: Peranan Media Sosial Dalam Penyebaran Hadis Palsu

Responden menunjukkan pemahaman yang kukuh tentang peranan media sosial dalam penyebaran hadis palsu dengan memilih “*memudahkan penyebaran*” sebanyak 87.1%. Ini mencerminkan kesedaran mereka tentang ciri seperti 'forward', 'share' dan 'retweet' yang membolehkan maklumat tersebar dengan cepat dan meluas dalam rangkaian sosial. Justeru, media sosial dianggap sebagai alat yang berkesan untuk menyebarkan maklumat termasuk hadis palsu. Kepentingan tanggungjawab dalam menyebarkan maklumat dan keperluan pengesahan sebelum berkongsi kandungan diakui sebagai langkah penting dalam menangani masalah penyebaran hadis palsu melalui media sosial.



Rajah 4: Cara Individu Melibatkan Diri: Menangani Cabaran Hadis Palsu

Sebilangan responden (41.9%) menyedari bahawa sesetengah orang mungkin menyebarkan maklumat, termasuk hadis, tanpa menyemak atau mengesahkannya terlebih dahulu, yang boleh membawa kepada penyebaran hadis palsu yang tidak disengajakan. Sementara itu, responden lain (35.5%) mengakui kepentingan membuat pengesahan sebelum menyebarkan maklumat bagi memastikan kebenaran dan kepatuhan dengan ajaran Islam. Namun begitu, masih terdapat sebilangan kecil responden (16.1%) yang menyedari kecenderungan masyarakat untuk mempercayai sebarang maklumat tanpa pengesahan kritikal yang boleh menjadi faktor penyumbang kepada penyebaran hadis palsu.

Oleh yang demikian, kesedaran tentang cabaran penyebaran hadis palsu wujud, tetapi pendidikan lanjut berkaitan pengesahan maklumat diperlukan untuk meningkatkan kewaspadaan dalam menyebarkan maklumat.



Rajah 5: Cara Masyarakat Dalam Mengenal Pasti Hadis Palsu

Kebanyakan responden (74.2%) menyedari kepentingan membuat anggaran atau penilaian kritis terhadap kebenaran dan kesahihan hadis sebelum mengedarkannya. Langkah ini melibatkan penilaian konteks, perawi, dan kandungan hadis untuk menentukan kebolehpercayaannya. Sebilangan kecil responden (12.9%) sedar tentang risiko penyebaran maklumat tanpa pengesahan, menunjukkan keperluan untuk meningkatkan kesedaran tentang kepentingan pengesahan sebelum menyebarkan maklumat. Sebilangan kecil responden (12.9%) mungkin menganggap mengabaikan maklumat sebagai cara mengelak penyebaran hadis palsu, namun ini juga boleh mengakibatkan kurang berhati-hati terhadap maklumat yang boleh disahkan sebaliknya.


Oleh itu, pendidikan lanjutan tentang kepentingan pengesahan dan sikap kritis terhadap maklumat dapat membantu masyarakat menjadi lebih berkesan dalam menangani penyebaran hadis palsu.



Rajah 6: Peranan Pendidikan Dalam Mengurangkan Penyebaran Hadis Palsu

Responden yang memilih “*meningkatkan kesedaran*” (96.8%) berhubung peranan pendidikan dalam mengurangkan penyebaran hadis palsu menyedari kepentingan pendidikan untuk memberikan maklumat yang betul berkaitan hadis palsu. Meningkatkan kesedaran melibatkan penyediaan pengetahuan tentang metodologi sains hadis, kemahiran pengesahan maklumat, dan pemahaman yang mendalam tentang prinsip-prinsip ajaran Islam. Melalui pendidikan, diharapkan masyarakat dapat menjadi lebih kritis dan berhati-hati dalam menerima dan menyebarkan maklumat.

Kepentingan pendidikan dalam meningkatkan kesedaran masyarakat dapat membentuk individu yang lebih kompeten dalam menangani penyebaran hadis palsu, dengan fokus kepada kritikan maklumat dan pemahaman yang mendalam terhadap ajaran Islam.



Rajah 7: Semak Sumber Sebelum Kunci Atasi Penyebaran Hadis Palsu


Responden yang memilih "*mencegah penyebaran palsu*" sebanyak 93.5% menyedari kepentingan menyemak sumber sebelum menyebarkan hadis palsu sebagai langkah penting untuk mencegah penyebaran maklumat palsu dalam masyarakat. Dengan mengesahkan kesahihan sumber, individu boleh mengelak daripada menyebarkan kandungan yang tidak sah, sekali gus mengurangkan kesan negatifnya terhadap kepercayaan dan amalan agama.

Kesedaran tentang kepentingan menyemak sumber mencerminkan perlunya sikap kritis terhadap maklumat dan tanggungjawab dalam menyebarkan mesej agama. Langkah ini juga memainkan peranan penting dalam menjaga keutuhan ajaran Islam dan melindungi orang ramai daripada potensi salah faham atau manipulasi maklumat agama.




Rajah 8: Peranan Media Sosial Dalam Penyebaran Hadis Sahih

Majoriti responden (77.4%) menyedari kepentingan memastikan kesahihan sumber sebelum menyebarkan hadis melalui media sosial. Langkah ini mencerminkan sikap kritis dan tanggungjawab dalam menyampaikan maklumat agama yang tepat. Dengan mengesahkan kesahihan sesuatu sumber, individu boleh membantu memastikan hadis yang disebarkan adalah sahih dan menepati ajaran Islam. Walau bagaimanapun, sebilangan kecil responden (16.1%) menyatakan kemungkinan menyebarkan hadis tanpa pengesahan terlebih dahulu, mungkin mencerminkan kurangnya kesedaran atau berhati-hati mengenai kepentingan memastikan kesahihan maklumat sebelum berkongsi. Usaha pendidikan dan meningkatkan kesedaran dapat membantu mengurangkan potensi penyebaran hadis palsu dalam persekitaran media sosial.



Rajah 9: Strategi Media Sosial Atasi Penyebaran Hadis Palsu

Majoriti responden (90.3%) menekankan perlunya tindakan yang lebih kukuh dalam menangani penyebaran hadis palsu dengan mengehadkan akses. Pendekatan ini melibatkan semakan dan menambah baik kawalan ke atas kandungan agama yang dimuat naik oleh pengguna, termasuk pengesahan akaun, semakan kandungan manual dan melaksanakan dasar yang ketat terhadap kandungan sensitif yang berpotensi membawa kepada penyebaran maklumat salah. Sebilangan kecil responden (9.7%) menyatakan minat untuk menambah baik algoritma untuk mengesan dan menangani hadis palsu, mencerminkan pemahaman bahawa teknologi boleh memainkan peranan dalam mencegah penyebaran maklumat yang tidak sah. Walaupun sesetengah menyatakan kepentingan penambahbaikan algoritma, tumpuan utama masih pada kawalan akses sebagai cara yang lebih berkesan untuk mengurus dan mengawal penyebaran maklumat yang tidak dibenarkan.



Rajah 10: Berkomunikasi Terbuka: Menangani Hadis Palsu Di Kalangan Penganut Beragama Berbeza

Majoriti responden (77.4%) menekankan kepentingan perbualan terbuka antara orang yang mengamalkan agama yang berbeza sebagai cara untuk memupuk perpaduan dalam masyarakat. Berkomunikasi secara terbuka dan memahami antara satu sama lain dapat membantu mengurangkan ketegangan antara kumpulan agama, mengukuhkan toleransi, dan mewujudkan persekitaran yang lebih harmoni. Sebilangan kecil responden (12.9%) menyedari risiko memupuk kecenderungan radikal akibat perselisihan faham atau kurang komunikasi antara kumpulan agama. Kecenderungan radikal boleh muncul apabila orang tidak mempunyai pemahaman yang mencukupi tentang kepercayaan dan amalan agama lain, sekaligus membuka ruang untuk persepsi dan konflik yang terpesong.

Sebilangan kecil responden (9.7%) mengakui bahawa kurangnya komunikasi antara agama boleh menyebabkan perpecahan dalam masyarakat. Tanpa bercakap secara terbuka, salah faham dan ketidakpercayaan mungkin timbul, yang boleh menjejaskan hubungan antara kumpulan agama dan merosakkan perpaduan sosial. Daripada jawapan tersebut, dapat disimpulkan bahawa majoriti responden menganggap perbualan terbuka antara mereka yang berbeza agama sebagai satu cara untuk memupuk perpaduan dalam masyarakat, dan pendekatan dialog dan persefahaman bersama dianggap penting untuk mengatasi masalah penyebaran hadis palsu dan membina masyarakat inklusif.

Oleh itu, dengan merangkumi informasi ini, tergambar gambaran yang holistik mengenai bagaimana pengetahuan dan kesedaran terhadap penyebaran hadis palsu dapat bervariasi di kalangan kelompok yang berbeda. Analisis ini memberikan dasar yang kukuh untuk merinci hasil kajian dan memberikan wawasan yang lebih mendalam ke dalam cara masyarakat merespon isu-isu sensitif seperti penyebaran hadis palsu.

Punca-Punca Penyebaran Hadis Palsu

Dalam era teknologi dan globalisasi, media sosial kini menjadi asas maklumat masyarakat. Walaupun memberi manfaat, cabaran signifikan timbul terutama berkaitan dengan penyebaran hadis palsu. Fenomena ini tidak hanya membingungkan tetapi juga merosakkan kepercayaan dan keharmonian masyarakat yang bergantung pada maklumat media sosial. Oleh itu, penting untuk mengenal pasti punca penyebaran hadis palsu di alam maya agar langkah berkesan dapat diambil untuk menangani isu ini.

1. Kurangnya Saringan Informasi.

Ketiadaan saringan yang berkesan dalam media sosial membolehkan sebarang kandungan, termasuk hadis palsu, tersebar tanpa penyemakan yang sewajarnya. Ketika media sosial mutakhir ini menjadi medium penting sebaran maklumat, kebanyakan masyarakat lebih cenderung mendapatkan informasi sekali gus mudah untuk menyebarkannya (Siti Nordiana binti Katek, Nur Athirah binti Hasmair, Nurul Izzati binti Zahari & Syed Najihuddin bin Syed Hassan & 2023). Implikasinya masyarakat tidak mengambil cakna berkaitan status sesuatu hadis sehingga amalan-amalan yang tiada sandaran daripada Rasulullah SAW semakin berleluasa (Abur Hamdi Usman, 2022).

Dengan kombinasi antara kurangnya saringan yang efektif dan kemudahan media sosial dalam menyebarkan informasi, risiko penyebaran hadis palsu semakin meningkat, dan inilah salah satu cabaran serius yang perlu diatasi.

2. Kemudahan Pengedaran.

Media sosial memberikan kemudahan untuk mengedarkan maklumat secara meluas dengan cepat, tanpa perlu melalui proses penyelidikan atau pengesahan yang teliti. Namun demikian, masih terdapat perdebatan dan persoalan yang timbul bahawa maklumat yang tidak tepat tersebar luas seperti hadis palsu, kesilapan dalam teks dan terjemahan hadis, dan contoh lain yang seumpamanya (Aisyah Binti Abdul Satar, Nur Najihah Binti Mohd Isa, Ainnur Annisa Binti Mohd Khairul Anwar & Maisarah Binti Saidin, 2023). Kemudahan pengedaran tanpa proses verifikasi yang memadai dapat merugikan masyarakat dengan menyebarkan informasi yang tidak benar atau tidak sah secara besar-besaran. Ini menekankan pentingnya untuk mengatasi tantangan ini dengan memperkuat proses pengesahan dan penyelidikan sebelum informasi disebarluaskan melalui media sosial.

3. Ketidakmampuan Membezakan Kebenaran.

Sebahagian besar pengguna media sosial mungkin tidak dapat membezakan antara hadis yang benar dan hadis palsu, terutamanya jika sumber maklumatnya tidak dipastikan. Ini dapat diintensifkan oleh kurangnya literasi digital di kalangan pengguna.

Ketidakmampuan ini sering kali disebabkan oleh kekurangan pemahaman mendalam mengenai metodologi pengesahan hadis atau takhrij. Kurangnya pengetahuan ini membuat individu rentan menerima dan menyebarkan hadis tanpa penilaian kritis terhadap

kebolehpercayaannya. Kesedaran dan pendidikan literasi digital adalah penting untuk memupuk kemahiran analisis dan penilaian sumber maklumat, sekaligus mengurangkan penyebaran hadis palsu di media sosial.

4. Kurangnya Pengetahuan Ilmuan Islam mengenai Ilmu Hadis.

Salah satu faktor yang turut menyumbang kepada penyebaran hadis palsu adalah kurangnya pengetahuan ilmuan Islam mengenai ilmu hadis secara umum dan ilmu takhrij secara khusus. Jika ilmuan mempunyai pengetahuan mengenai ilmu hadis, nescaya mereka tidak akan mudah menyebarkan atau menyampaikan sesuatu hadis melainkan dipastikan kebenaran dan kesahihannya terlebih dahulu (Dr Faisal Ahmad Shah, 2016). Kelebihan pemahaman ilmuan Islam terhadap metodologi takhrij dapat menjadi benteng pertahanan terhadap penyebaran hadis palsu, dan peningkatan literasi dalam bidang ini dapat memberikan sumbangan positif terhadap integritas hadis yang disampaikan kepada masyarakat.

5. Pertentangan politik.

Dalam konflik politik yang terjadi di kalangan umat Islam telah melahirkan suasana kehidupan yang bergelombang dengan kebohongan dan memalsukan hadis Nabi. Dari aliran Syi'ah terutama kelompok Rafidha, banyak membuat hadis palsu yang berkenaan dengan pengkultusan terhadap Ali dan Ahl al-Bait. Pembuatan hadis palsu dari Syiah ini ditanggapi oleh kelompok lain yang menjadi lawannya, seperti dari kelompok yang fanatik terhadap Mu'awiyah, dengan membuat hadis palsu pula (Ahmad Farih Dzakiy, Anisa Dwi Ustadiyah & Muhammad Luqman Hakim, 2022).

Pertentangan politik menjadi salah satu punca utama penyebaran hadis palsu di kalangan masyarakat. Ketika suasana politik memanas, terdapat kecenderungan untuk menggunakan hadis sebagai alat untuk mempengaruhi opini awam atau memperkuat agenda politik tertentu. Hal ini dapat mengakibatkan penyebaran hadis palsu yang bertujuan untuk menciptakan ketidakharmonian di kalangan masyarakat dan mencapai kepentingan politik yang bersangkutan.

6. Sikap ambil mudah penceramah agama.

Sikap ambil mudah penceramah agama yang menyampaikan hadis tanpa merujuk pandangan ulama terhadap hadis tersebut merupakan salah satu faktor tersebarnya hadis palsu. Kadangkala hadis yang disampaikan itu sebenarnya bukan hadis tetapi adalah kaa-kata sahabat, tabiin atau ulama mujtahid. Umpamanya nas 'hisablah diri kamu sebelum kamu dihisab' (حاسبوا أنفسكم قبل أن تحاسبوا). Nas ini adalah kata-kata Umar bin al-Khattab, namun sering kali diungkapkan sebagai hadis Rasulullah SAW. (al-Tirmidhi 1999:357). Ataupun nas من أراد الدنيا فعليه بالعلم ومن أراد الآخرة فعليه بالعلم yang merupakan kata-kata Imam al-Syafie (Dr Faisal Ahmad Shah, 2016).

7. Sikap fanatik (ta'assub).

Sikap fanatik (ta'assub) yang merajalela di kalangan pengguna. Sikap fanatik buta terhadap bangsa, suku, bahasa, negara, dan pemimpin dengan maksud menonjolkan

keutamaannya juga telah membangkitkan motivasi untuk melakukan pemalsuan hadis (Ahmad Farih Dzakiy, Anisa Dwi Ustadiyah & Muhammad Luqman Hakim, 2022). Ketika seseorang terlalu terikat pada identitas dan afiliasi tertentu, ada kecenderungan untuk mencari atau menyebarkan informasi, termasuk hadis, yang mendukung pandangan atau kepentingan kelompoknya.

Fanatik boleh menggalakkan penyebaran hadis palsu terutama di era media sosial. Segelintir individu sengaja memanipulasi hadis untuk menguatkan akidah fanatik. Sikap fanatik yang tidak kritis menyemarakkan penyebaran pesat hadis palsu di media sosial, menekankan keperluan untuk menggalakkan sikap kritis dan celik maklumat.

8. Keinginan untuk Mendapatkan Perhatian.

Motivasi menyebarkan hadis palsu seringkali berasal dari keinginan mendapatkan perhatian dan popularitas di media sosial. Dalam usaha mencapai eksposur yang lebih besar, individu dapat mengabaikan konsekuensi negatif. Fenomena ini membentuk lingkaran risiko di mana konten palsu menjadi daya tarik emosional tanpa mempertimbangkan dampak merugikan terhadap kebenaran dan integritas informasi. Kesedaran akan dampak jangka panjang diperlukan untuk membatasi penyebaran informasi palsu dan mendorong pertimbangan hati-hati dalam berbagi informasi di dunia digital.

Akibat-Akibat Penyebaran Hadis Palsu

Penyebaran hadis palsu bukan sekadar fenomena terisolasi, melainkan sebuah tantangan serius yang dapat mempengaruhi berbagai aspek kehidupan masyarakat. Implikasinya mencakup amalan-amalan yang tiada sandaran daripada Rasulullah SAW semakin berleluasa, perubahan dalam struktur masyarakat, keraguan dan pemahaman yang salah, perpecahan dalam umat Islam serta menyebabkan masyarakat terganggu dan berpecah belah. Dalam konteks ini, penting untuk merenung dan memahami konsekuensi serius yang dapat timbul akibat kurangnya kritisisme dan kehati-hatian dalam menyikapi informasi keagamaan. Antara akibat-akibat penyebaran hadis palsu ialah:

1. Amalan-amalan yang tiada sandaran daripada Rasulullah SAW semakin berleluasa.

Implikasinya masyarakat tidak mengambil cakna berkaitan status sesuatu hadis sehingga amalan-amalan yang tiada sandaran daripada Rasulullah SAW semakin berleluasa (Abur Hamdi Usman, 2022). Pernyataan ini mencerminkan dampak serius yang dapat terjadi jika masyarakat tidak memberikan perhatian cukup terhadap status keabsahan suatu hadis. Jika tidak ada kesadaran terhadap validitas hadis, masyarakat dapat dengan mudah terperangkap dalam mengamalkan praktik-praktik tanpa dasar dari ajaran Rasulullah SAW. Ini menciptakan risiko penyebaran amalan-amalan yang tidak benar dan dapat merusak integritas nilai-nilai Islam. Oleh karena itu, penting bagi masyarakat untuk mengambil sikap kritis terhadap hadis-hadis yang mereka terima, serta menempatkan penilaian keabsahan sebagai prioritas, guna menjaga kesucian dan kebenaran ajaran agama Islam.

2. Perubahan dalam struktur masyarakat.

Struktur masyarakat pada era ini turut berubah (Aisyah Binti Abdul Satar, Nur Najihah Binti Mohd Isa, Ainnur Annisa Binti Mohd Khairul Anwar & Maisarah Binti Saidin, 2023). Penyebaran hadis palsu memiliki implikasi yang mendalam terhadap struktur masyarakat pada era ini. Distorsi informasi keagamaan tidak hanya mengancam nilai-nilai sosial, budaya, dan agama, tetapi juga membentuk sebuah lanskap baru dalam interaksi sosial. Struktur masyarakat pada era ini turut berubah sebagai hasil dari ketidakpastian yang muncul akibat penyebaran hadis palsu.

Dalam konteks ini, perubahan tersebut mencakup pergeseran dalam kepercayaan masyarakat terhadap otoritas keagamaan dan lembaga-lembaga terkait. Ajaran agama yang seharusnya menjadi landasan moral dan etika menjadi terpapar risiko distorsi, mengakibatkan keraguan dan ketidakstabilan dalam sistem otoritas tradisional. Akibatnya, struktur masyarakat mengalami dinamika baru yang memerlukan adaptasi dan refleksi terhadap nilai-nilai yang sebelumnya dipegang teguh. Struktur masyarakat pada era ini turut berubah, membawa konsekuensi mendalam terhadap pola pikir dan perilaku kolektif.

3. Keraguan dan Pemahaman yang Salah.

Hadis palsu dapat menciptakan keraguan dan ketidakpastian dalam memahami agama. (Muhammad Ghifari, 2023). Penyebaran hadis palsu di media sosial boleh menimbulkan keraguan dan ketidakpastian dalam memahami agama. Maklumat yang tidak tepat boleh mengelirukan orang ramai dan menimbulkan persoalan tentang kebenaran ajaran agama. Masyarakat mungkin meragui ajaran yang benar, mewujudkan ketidakstabilan dalam kepercayaan dan pemahaman agama. Ini boleh merosakkan asas kepercayaan dan kesejahteraan rohani masyarakat.

Apabila hadis palsu disebarkan melalui media sosial, orang yang kurang kritikal terhadap maklumat tersebut cenderung menerima dan menyebarkannya tanpa melakukan pengesahan yang secukupnya. Akibatnya, pemahaman agama mungkin menjadi terpesong, dan orang ramai boleh membuat keputusan atau mengambil tindakan berdasarkan maklumat yang salah. Adalah penting untuk menggalakkan literasi maklumat dan berhati-hati dalam menerima maklumat agama supaya orang ramai dapat membezakan antara hadis sahih dan palsu, dan mengekalkan pemahaman agama yang benar dan bermakna.

4. Perpecahan dalam Umat Islam.

Penyebaran hadis palsu juga berpotensi menyebabkan perpecahan dalam Umat Islam. Hadis palsu yang mengandungi perbezaan pendapat atau kontroversi boleh menimbulkan konflik antara umat Islam. Orang Islam yang menerima hadis palsu dengan keyakinan yang kuat boleh mengekalkan pandangan mereka dan enggan mengakui atau menerima pandangan yang berbeza. Ini boleh mencetuskan perpecahan, ketegangan dan juga konflik sosial dalam masyarakat Islam.

Selain itu, manipulasi nas hadis oleh pelaku penyebaran hadis palsu juga boleh menguatkan perpecahan antara umat Islam. Dengan menukar perkataan atau mengeneipkan konteks dalam hadis, pelaku menyebarkan hadis palsu boleh menimbulkan pandangan yang bertentangan dengan pegangan atau amalan orang Islam tertentu. Ini boleh mencetuskan perdebatan, percanggahan dan perpecahan antara kumpulan yang berbeza dalam umat Islam. Perpecahan dalam umat Islam bukan sahaja merugikan dari segi perpaduan dan keharmonian sosial, malah melemahkan ummat Islam sebagai satu kekuatan yang bersatu. Masyarakat Islam yang berpecah belah sukar untuk bersatu dalam menghadapi cabaran dan memajukan kepentingan bersama. Oleh itu, penyebaran hadis palsu perlu diawasi dan diberi perhatian serius agar perpaduan dalam masyarakat Islam terpelihara. (Muhammad Ghifari,2023).

5. Menyebabkan Masyarakat Terganggu dan Berpecah Belah.

Penyebaran hadis palsu, kerana fanatik dan kurang berfikiran kritis, mengganggu masyarakat, menimbulkan ketidaktentuan dan memecah belahkan hubungan. Melalui media sosial, hadis palsu mencetus konflik antara kumpulan, memperbesar perbezaan dan merosakkan kepercayaan. Adalah penting untuk menggalakkan toleransi dan celik maklumat untuk masyarakat yang inklusif dan harmoni.

Solusi Penyebaran Hadis Palsu Di Media Sosial

Dalam era digital dan media sosial, penyebaran hadis palsu telah menjadi tantangan serius yang dapat berdampak pada kehidupan masyarakat. Hadis-hadis tanpa dasar yang disebarluaskan dapat membentuk pelbagai kesan yang negatif. Solusi yang holistik diperlukan untuk mengatasi fenomena ini. Melalui langkah-langkah pendidikan dan kesedaran, penegakan hukum yang tegas, lebih selektif terhadap hadis-hadis yang tersebar di media sosial, komitmen dikongsi daripada platform media sosial serta peranan agama dan tokoh masyarakat diharapkan dapat membentuk masyarakat yang lebih bijak dan cerdas dalam menyikapi informasi keagamaan. Inilah kerangka awal yang perlu dieksplorasi untuk menjaga integritas nilai-nilai agama dalam konteks digital yang semakin kompleks.

1. Pendidikan dan Kesedaran.

Salah satu solusi penting untuk mengatasi penyebaran hadis palsu adalah melalui pendidikan dan kesedaran yang kuat (Muhammad Ghifari,2023). Langkah-langkah yang boleh diambil untuk mencapai matlamat ini:

i. Pendidikan:

Pendidikan formal dan tidak formal yang tertumpu kepada literasi digital dan kelestarian maklumat mesti diperkukuh. Program-program ini mungkin termasuk pemahaman metodologi saintifik dalam menilai kebenaran hadis, mengajar cara mengesahkan sumber maklumat, dan meningkatkan pemahaman umum tentang warisan saintifik Islam.

Kurikulum agama di sekolah dan institusi pendidikan agama mestilah merangkumi pelajaran kritikal berkaitan pemahaman hadis dan kaedahnya. Ini akan membantu generasi muda dengan kemahiran menganalisis yang diperlukan untuk membezakan antara hadis sahih dan palsu.

ii. Kesedaran:

Kempen kesedaran awam perlu dijalankan bagi memberi penerangan kepada orang ramai tentang bahaya penyebaran hadis palsu. Media sosial, saluran televisyen, radio dan platform lain boleh digunakan untuk menyampaikan mesej kesedaran ini.

Ulama dan tokoh agama mempunyai peranan penting dalam meningkatkan kesedaran masyarakat. Mereka boleh menyediakan panduan, kuliah, dan bahan pendidikan yang merangsang pemahaman hadis yang lebih baik serta peranan penting pengesahan maklumat dalam Islam.

Dengan meningkatkan tahap pendidikan dan kesedaran awam, diharapkan masyarakat lebih mampu membuat penilaian kritis terhadap maklumat yang diterima, mengurangkan kemungkinan penyebaran hadis palsu, dan mengukuhkan integriti maklumat dalam era digital.

2. Penegakan Hukum Yang Tegas.

Selain upaya pencegahan dan pendidikan, penegakan hukum yang tegas juga diperlukan dalam mengatasi penyebaran hadis palsu (Muhammad Ghifari, 2023). Penguatkuasaan undang-undang yang ketat memainkan peranan penting dalam mengatasi penyebaran hadis palsu di media sosial. Pertama sekali, pengukuhan kerangka perundangan berkaitan penyebaran maklumat palsu termasuk hadis perlu diperbaiki. Undang-undang yang jelas dan tegas mengenai sekatan undang-undang terhadap pencipta dan penyebar hadis palsu akan memberikan asas undang-undang yang kukuh untuk mengambil tindakan terhadap pelaku. Selain itu, kerjasama erat antara pihak berkuasa, institusi agama dan pakar undang-undang Islam dapat meningkatkan keberkesanan usaha penguatkuasaan undang-undang.

Kedua, peranan penguatkuasa undang-undang dalam menjalankan siasatan dan mengambil tindakan terhadap individu atau kumpulan yang terlibat dalam penyebaran hadis palsu adalah sangat penting. Pasukan penyiasat yang terlatih dengan pemahaman yang mendalam tentang isu itu boleh memantau kandungan yang boleh dipersoalkan secara proaktif di media sosial. Sekatan undang-undang yang diberikan kepada pelaku boleh termasuk denda, hukuman penjara, atau sekatan lain yang sesuai dengan tahap pelanggaran.

Dengan penguatkuasaan undang-undang yang ketat, diharap akan ada kesan pencegahan kepada mereka yang terlibat dalam penyebaran hadis palsu. Ini boleh menjadi langkah yang berkesan untuk mengurangkan amalan ini dan menyediakan asas yang kukuh untuk mewujudkan persekitaran media sosial yang lebih boleh dipercayai. Selain itu, usaha penguatkuasaan undang-undang juga dapat memberi sumbangan positif dalam menjaga integriti dan kelestarian maklumat agama dalam era digital.

3. Lebih selektif terhadap hadis-hadis yang tersebar di media sosial.

Dengan adanya sikap selektif dan kritis terhadap hadis-hadis yang ada di media sosial merupakan salah satu upaya untuk mencegah pengamalan hadis palsu di kalangan masyarakat (Ahmad Farih Dzakiy, Anisa Dwi Ustadiyah & Muhammad Luqman Hakim, 2022). Fenomena penyebaran maklumat di era digital selalunya merangkumi hadis-hadis yang tidak sahih, dan ini boleh menimbulkan kekeliruan dan salah faham dalam kalangan umat Islam. Oleh itu, mendekati hadits yang ditemui dengan sikap kritis dan selektif boleh menjadi benteng terhadap penyebaran maklumat yang tidak tepat.

Masyarakat perlu mengembangkan kepekaan terhadap kualiti hadis yang mereka temui di media sosial. Ini boleh dilakukan dengan menyemak sumber hadis, menilai kesahihan sanad (rantai perawi) dan matan (teks) hadis, dan merujuk kepada ulama yang dipercayai. Sikap selektif dalam menerima hadis boleh menghalang penyebaran ajaran palsu dan melibatkan kritikan terhadap maklumat yang tidak sahih. Justeru, dalam menangani arus maklumat di media sosial, orang ramai perlu menjaga kewaspadaan dan kepandaian dalam menilai kesahihan hadis-hadis yang disampaikan kepada mereka.

4. Komitmen Dikongsi daripada Platform Media Sosial.

Kerjasama yang erat antara kerajaan, institusi agama, dan platform media sosial merupakan langkah penting dalam menangani penyebaran hadis palsu di media sosial. Dalam usaha untuk memerangi penyebaran maklumat palsu, perlu dibangunkan komitmen yang kuat daripada semua pihak terlibat. Kerajaan boleh memainkan peranan dengan menggalakkan pembentukan dasar-dasar yang ketat dan mekanisme pematuhan bagi platform media sosial. Di samping itu, institusi agama perlu turut terlibat dalam memberikan panduan dan pemahaman yang tepat kepada masyarakat. Melibatkan platform media sosial dalam kerjasama ini dapat mencipta persekitaran yang lebih selamat dan bertanggungjawab di dunia maya, membantu mengurangkan risiko penyebaran hadis palsu yang dapat menimbulkan kekeliruan dan konflik di kalangan masyarakat.

5. Peranan Ketua Agama dan Tokoh Masyarakat.

Pemimpin agama dan tokoh masyarakat memainkan peranan yang sangat penting dalam menangani isu penyebaran hadis palsu. Dengan mengambil peranan aktif dalam memberikan pemahaman yang betul tentang ajaran agama, mereka dapat membimbing pengikutnya untuk menjadi lebih kritis terhadap maklumat yang diterima melalui media sosial. Melalui ceramah, khutbah, dan platform lain, mereka boleh menyampaikan pesanan tentang pentingnya memeriksa keabsahan maklumat agama sebelum menyebarkannya. Selain itu, mereka juga dapat memberikan contoh teladan dalam penggunaan media sosial dengan bertindak sebagai agen pemahaman yang benar dan amanah. Dengan demikian, peranan aktif ketua agama dan tokoh masyarakat dapat membantu membentuk masyarakat yang lebih bijak dan berpendidikan dalam menyikapi informasi di era media sosial.

Kesimpulan

Secara keseluruhan, penyebaran hadis palsu melalui media sosial menjadi isu serius yang menjejaskan kefahaman dan pengamalan agama dalam masyarakat. Punca utama fenomena ini termasuk kekurangan penapisan maklumat, kemudahan pengedaran, ketidakupayaan untuk membezakan kebenaran, dan faktor sosial dan politik. Justeru, akibat penyebaran hadis palsu termasuk amalan yang tidak boleh dipercayai, perubahan struktur masyarakat, keraguan, kefahaman yang salah, perpecahan dalam masyarakat Islam, serta gangguan dan perpecahan dalam masyarakat.

Oleh itu, bagi mengatasi masalah ini, penyelesaian holistik perlu dilaksanakan, termasuk pendidikan dan kesedaran, penguatkuasaan undang-undang yang ketat, mengubah sikap terhadap hadis yang disebar, komitmen daripada platform media sosial, dan peranan pemimpin agama dan tokoh masyarakat, kita dapat membentuk masyarakat yang lebih bijak dan terdidik dalam menyahut maklumat agama di era digital. Dengan ini, kita dapat memastikan pemeliharaan nilai-nilai agama dan meminimumkan risiko amalan tidak sah. Hal ini, berkait dengan semua pihak daripada individu sehingga pihak berkuasa dan pemimpin agama, perlu bersatu hati menghadapi cabaran ini demi mencapai persekitaran media sosial yang lebih selamat, amanah, dan membawa manfaat kepada masyarakat secara keseluruhan.

Adalah jelas bahawa, kajian ini memberikan pemahaman yang lebih mendalam tentang fenomena penyebaran hadis palsu melalui media sosial. Implikasi praktikal dan cadangan yang dicetuskan diharapkan dapat memberikan panduan dalam mengatasi isu-isu yang berkaitan dengan media sosial dan agama Islam. Kajian ini memegang peranan penting dalam membentuk langkah-langkah pencegahan dan penyelesaian bagi masalah yang dihadapi oleh masyarakat Muslim dalam era digital ini.

Rujukan

- Abu Amr Usman bin Abdurrahman ibnu al-Shaleh (1072). *Ulum al-Hadis Madinah: Maktabah al-Islamiyah*.
- Abur Hamdi Usman (2022). Penyebaran hadis palsu dalam penerbitan di Malaysia dan kesannya kepada masyarakat. *Kolej Universiti Islam Antarabangsa Selangor (KUIS)*.
- Ahmad Farih Dzakiy, Anisa Dwi Ustadiyah & Muhammad Luqman Hakim (2022). Hadis Palsu, Pemalsuan dan Pencegahannya Di Era Digital. *Al-Bayan: Journal of Hadith Studies Volume 1, No. 2, Juli 2022, pp. 1-13, Prodi Ilmu Hadits, Sekolah Tinggi Agama Islam Khozinatul Ulum Blora, Indonesia & UIN Raden Mas Said Surakarta, Indonesia*.
- Aisyah Binti Abdul Satar, Nur Najihah Binti Mohd Isa, Ainnur Annisa Binti Mohd Khairul Anwar & Maisarah Binti Saidin (2023). Pembukuan dan Pendigitalan Hadith: Isu dan Cabaran. *Penerbit USIM*.
- Al-Quran Al-Karim (2019). Tajwid dan Terjemahan Humaira. *Humaira Publication SDN BHD*.

Amran Abdul Halim, Abdulloh Salaeh, Walid Mohd Said, Syed Najihuddin Syed Hassan, Nidzamuddin Zakaria, Mohd Fauzi Mohd Amin & Amiruddin Mohd Sobali (2020). Pemahaman Hadith Dalam Kalangan Masyarakat Di Malaysia: Kajian Dalam Media Sosial Di Malaysia. *Fakulti Pengajian Quran dan Sunnah, Universiti Sains Islam Malaysia, 71800 Nilai, Negeri Sembilan, Malaysia.*

Dr Faisal Ahmad Shah (2016). Penyebaran Hadith Palsu Dalam Media Massa Dan Media Sosial: Realiti Dan Cabaran. *Hadis: Jurnal Ilmiah Berwasit 11, 9-27.*

Fathur Rahman (1995). Ikhtisar Musthalahul Hadits. *Bandung: PT. Almaarif.*

Naruddin Itr (1994). Manhaj al-Nagdifi Ulum al-Hadis. diterjemahkan oleh Mujiya dengan judul Ulum Hadis. *Bandung: Remaja Rosdakarya.*

Febri Yeni, Gonsales Gonsales (2022). Hadis Palsu Di Media Sosial Persepsi Mahasiswa Fakultas Syariah UIN Bukittinggi. *Jurnal Ulunnuha, Prodi Ilmu Al-Qur'an Dan Tafsir, Fakultas Ushuluddin Dan Studi Agama, UIN Imam Banjol Padang, Jl. Prof. Mahmud Yunus No.1, Lubuk Lintah, Kuranji. Kota Padang, Sumatera Barat, 25153.*

Ibtisam Ibrahim, Siti Fazidatul Zahariah Mat Saleh, Norhashimah Yahya & Berhanuddin Abdullah (2022). Kaedah Mengenal Pasti Status Hadis Dan Kesannya Dalam Penyampaian Mesej Dakwah. *Jurnal Islam Dan Masyarakat Kontemporari, 23(2), 143-152.*

Mohd Syukri, M. N., Norazmi, A., Shahril Nizam, Z., Amran, A. H., Ahmad Sanusi, A. & Syed Najihuddin, S. H. (2018). Pendigitalan Hadis Dalam Kerangka Revolusi Industri 4.0. *Wcit2018 Proceedings The 5th World Conference on Islamic Thought & Civilization Securing The Future 16 - 18 July 2018 @ Casuarina Meru, Ipoh, Perak, Malaysia.*

Muhamad Naim Bin Hassan (2019). *Refleksi Isu-Isu Keagamaan Dalam Media Sosial: Analisis Punca Dan Kesan Menurut Perspektif Al-Attas.* Jabatan Usuluddin Dan Falsafah, Universiti Kebangsaan Malaysia.

Muhamad Nur Insanudin (2023). *Takhrij Hadis secara Manual tentang Larangan Isbal.* Universitas Islam Negeri Sultan Maulana Hasanuddin Banten.

Muhammad Ajjajal-Khatib (1981). *Ushul al-Hadis Ulumuhu Wa Mustlalahu.* Beirut: Dar al-Fikr.

Muhammad Ghifari (2023). Strategi Efektif Dalam Mencegah Penyebaran Hadis Palsu di Media Sosial. *The International Journal of Pegon: Islam Nusantara Civilization, 9(01), 103-122.*

Muhammad Syamim Bin Mohd Risti, Saidussyazwi Bin Abd Wahap, Muhammad Dinniah Bin Misni & Maisarah Saidin (2023). *Mempertingkatkan Penyampaian Al-Quran dan Hadis mengikut Perkembangan Teknologi Era Globalisasi.* Penerbit USIM.

Nik Muhammad Izzudin Nik Lah, Pulavendran Vijaya Kumaran & Kamarul Azmi Jasmi (2018). Media Sosial dan Impak kepada Perkembangan Bahasa Menurut Islam. *Akademi Tamadun Islam, Fakulti Sains Sosial dan Kemanusiaan, Universiti Teknologi Malaysia*.

Shahrul Nazmi Sannusi, Fauziah Ibrahim, Azianura Hani Shaari, and Nasrudin Subhi. 2019. Penggunaan media sosial dalam kalangan remaja B40 di sekitar Lembah Klang. *Jurnal Komunikasi: Malaysian Journal of Communication* 35 (4): 101–118.

Siti Nordiana binti Katek, Nur Athirah binti Hasmain, Nurul Izzati binti Zahari & Syed Najihuddin bin Syed Hassan (2023). Aplikasi Tabayyun dalam Penerimaan Hadith dan Faedahnya Dalam Mengatasi Penyebaran Hadith Palsu. *Penerbit USIM*.

Syed Mohammad Hilmi Syed Abdul Rahman, Mohd Anuar Ramli, Che Zarrina Sa'ari, Azah Anir Norman, Mohd Anuar Mamat & Muhammad Hazim Mohd Azhar (2022). Penggunaan Media Sosial Baharu: Isu-Isu dan Panduan Perspektif Islam. *Jurnal Usuluddin* 50(1) 2022: 73-96.

Teuku Amnar Saputra & Muhammad Alfatih Suryadilaga (2020). Perkembangan Dan Kesahihan Hadis Dari Awal Islam Hingga Zaman Post Truth. *Jurnal Ilmiah Al-Mu'ashirah Vol. 17. No.1 2020* Hal 11-23, *Interdisciplinary Islamic Studies (IIS)*, UIN Sunan Kalijaga Yogyakarta.